

幼學瓊林

-天文

【原文】

混沌初開，乾坤始奠。氣之輕清上浮者爲天，氣之重濁下凝者爲地。日月五星，謂之七政；天地與人，謂之三纜。日爲眾陽之宗，月乃太陰之象。虹名蜺蝥，乃天地之淫氣；月裡蟾蜍，乃皜魄之精華。風欲起而石燕飛，天將雨而商羊舞。旋風名爲羊角，閃電號曰雷鞭；青女是霜之神，素娥即月之號。雷部至捷之鬼曰律令，雷部推車之女曰阿香。風師係是屏翳，雪神號爲滕六。豐隆謝仙，俱掌雷火；飛廉少女，悉是風神。列缺乃電之光，望舒是月之御。甘霖豐澤，俱指時雨；玄穹彼蒼，總稱上天。

雪飛六出，預兆年豐；日上三竿，乃雲時晏。蜀犬吠日，比人識見甚疏；吳牛喘月，嘲人畏懼太過。望切有若雲霓，恩深莫如雨露；參商二星，每出沒不相見；牛女兩宿，惟七夕一相逢。羿妻奔於月窟，號爲姮娥；傳說死後精神，托於箕尾。戴月披星，謂奔馳於蚤夜；櫛風沐雨，謂勞苦於風塵。事非著意，譬如雲出無心；恩可遍施，乃謂陽春有腳。餽物致敬，敢效獻曝之忱；託人轉移，全賴回天之力。感救援之恩曰再造，頌覆庇之德曰二天；勢易盡者若冰山，事相懸者如天壤。晨星謂賢人寥落，雷同謂言語相符。

心多過慮，何異杞人憂天；事不量力，奚殊夸父逐日。趙盾如夏日之可畏，趙衰如冬日之可愛。齊婦含冤，三年不雨；鄒衍下獄，六月飛霜。親仇不共戴天，子道須當愛日。盛世黎民，嬉遊於光天化日之下；太平天子，致召夫景星慶雲之祥。夏時大禹在位，上天雨金；春秋孝經既成，赤虹化玉。箕風畢雨，比庶民之願欲不同；風虎雲龍，擬諸臣之會合不偶。雨暘時若，係是休征；天地交泰，斯稱盛世。

-地輿

【原文】

黃帝畫野，始分都邑；夏禹治水，初奠山川。宇宙之江山不改，古今之稱謂各殊。

北京原屬幽燕，金臺乃其異號；南京原為建業，金陵又是別名。

浙江系武林之區，原為越國；江西是豫章之郡，又號吳皋。

福建省隸七閩，湖廣地名三楚。東魯、西魯，即山東、山西之分；東粵、西粵，乃廣東廣西之域。

河南在華夏之中，故曰中州；陝西即長安之地，原為秦境。

四川古稱為蜀國，雲南漢置滇池；貴州僻處蠻方，荒服舊為黔地。

東嶽泰山，西嶽華山，南嶽衡山，北嶽恆山，中嶽嵩山，此之謂五嶽；饒之鄱陽，湘之青草，巴之洞庭，潤之丹陽，蘇之太湖，此之謂五湖。

金城湯池，謂疆圉之鞏固；河山帶礪，實封建之誓盟。

帝都曰京師，故鄉曰梓裡。

蓬萊、弱水，非飛仙不可渡；十洲三島，惟真修乃可居。

滄海桑田，慨世代之更變；河清海晏，兆寰宇之昇平。

水神曰馮夷，又曰陽侯，火神曰祝融，又曰回祿。海神曰海若，海眼曰尾閭。

望人包容曰海涵；謝人賙恤曰河潤。

無繫累者，江湖散人；負豪氣者，湖海之士。

問舍求田，原無大志；經天緯地，方是奇才。空中起鬣，謂之平地風波；獨立不移，謂之中流砥柱。

黑子、彈丸，渺小之邑；咽喉、右臂，要害之區。獨立難持，一木焉能支大廈；英雄自恃，丸泥可以封函關。

事先敗而後成，曰失之東隅，收之桑榆；事垂成而中止，曰為山九仞，功虧一簣。

以蠡測海，喻人之見小；精衛銜石，比人之徒勞。

跋涉謂行路艱難，康莊謂道途平坦。

瘠土曰不毛之地，沃壤曰膏腴之田。得物無用，如獲石田；為學有成，已登道岸。

淄澠之滋味可辨，涇渭之清濁當分；泌水樂飢，隱居不仕；東山高臥，清節可風。

聖人出而黃河清，太守廉而越石見。

醇俗曰仁裡，惡俗曰互鄉。裡名勝母，曾子不入；邑號朝歌，墨子回車。

擊壤而嬉，上世之黎民自得；讓畔而耕，西周之百姓相推。

長房有縮地之方，始皇有鞭石之法。

堯有九年之水患，湯有七年之旱災。

商君不仁而阡陌開，夏王無道而伊洛竭。

路不拾遺，由在上之有善政；海不揚波，知中國之有聖人。

-時序

【原文】

爆竹一聲除舊，桃符萬戶更新。

履端爲首祚；人日是靈辰；獻椒花頌，爲祝遐齡；飲屠蘇酒，可除癘疫。

新正曰首春，去年曰客歲。火樹銀花合，言燈節之輝煌；星橋鐵鎖開，謂金吾之放夜。

二月朔爲中和節，三月三爲上巳辰；冬至百六是清明，立春五戊爲春社。寒食是清明前一日，初伏是夏至第三庚。

孟夏乃爲麥秋，端午是爲蒲節。六月六日，節名天貺；五月五日，序屆天中。

競渡端陽，弔屈原之溺水；登高重九，效桓景之避災。

二社燕雞豚，群飲治聾之酒；七夕會牛女，家穿乞巧之針。

月朗中秋，唐帝神游於月府；風高九月，孟生落帽於龍山。

漢人蜡祭曰臘，故稱十二月爲臘；秦皇御諱曰政，故讀春正月爲正。

東方曰大皞，乘震而司春，故春曰青帝。南方曰炎帝，居離而司夏，故夏曰赤帝；西方曰少皞，當兌而司秋，故秋曰白帝；北方曰顓頊，乘坎而司冬，故冬曰黑帝。中央屬土，黃帝乘權。

夏至一陰生，天時漸短；冬至一陽生，日晷初長。

冬至而葭灰飛，立秋而梧葉落。月光都盡曰晦，月光復甦曰朔，半圓半缺曰弦，月與日對曰望。

初一爲死魄，初二旁死魄，初三哉生明，十六哉生魄。

翌日詰朝，皆言明日；吉時穀旦，悉是良辰。

片晌即雲片時，日曛乃雲日暮。疇昔，曩者，俱前日之稱；昧爽黎明，皆將曙之謂。

月分三瀚，學足三餘；以術愚人，朝三暮四；爲學求益，日就月將。

焚膏繼晷，日夜辛勤；俾晝作夜，晨昏顛倒。

自愧無成，曰虛延歲月；與人偶語，曰少敘寒暄。

到處人情冷暖；從來世態炎涼。衰周無寒歲，暴秦無燠年。

泰階平曰太平，時序和曰玉燭。歲歉曰飢饉之歲，年豐曰大有之年。

唐世凶年，醉人爲瑞；梁時儉歲，野苧堪憐。豐年玉，荒年穀，言人品之可珍；薪如桂，食如玉，言物用之騰貴。

春祈秋報，農父之常規；夜寐夙興，士人之勤事。

韶華不再，學者惟當惜陰；日月其除，志士正宜待旦。

統系

【原文】

盤古首出御世，天地初分；天皇澹泊無爲，干支始建。

地皇定三辰，以分晝夜；人皇掌九區，以奠山川。有巢構木爲巢，而民知居處；燧人鑽木取火，而民知飲食。

伏羲畫八卦以開文教，作六書以代結繩，甲曆姓氏人事漸繁；神農樹五穀以資民生，賞百草以療民疾，農事方書，制度乃備。

粵惟有熊，啓自少典；外治兵，內修德。開征誅吊伐之先；明律歷，制冕裳，肇禮樂文章之祖；得六相而天地治，畫九野而政教敷。

金天爲軒轅之子，顓頊乃黃帝之孫，帝嚳之祖曰少昊，陶唐之父曰高辛。聖聖傳流，賢賢繼統，稱元建國，惟唐及虞。仁如天，智如神，放勳之德，民無能名，解民慍，阜民財，重華之德，人莫能及。

夏後家天下而代虞，受禪成功曰禹；商王拯生民而伐夏，除暴去虐曰湯。

桀紂異世，同稱暴君；文武相承，均推聖主。卜世三十，卜年七百，周過其歷而日衰；春秋五霸，戰國七雄，秦併其地而漸促。

赤帝子誅白帝子，漢祖興劉；假皇帝逼真皇帝，新莽篡漢。

白水真人，實開東漢；中山帝胄，爰霸西川。

典午竊當塗之緒，金牛承石馬之宗；五姓據中華而擾晉，六朝依江左而終陳。

元魏迅掃群邦，北伐齊而西授周；宇文兼併高氏，得之元而失之楊。

隋帝弑父篡位，身喪國亡；唐宗劫父稱兵，逆取順守。

惜夫牝後豔妃，亂之於中；悲哉宦官方鎮，擾之於末。

紛紛五季，八姓十三君；莽莽群雄，九州數十主。

若度德而度義，果孰是而孰非？宋祖剪諸凶而獨秉乾綱；太宗承兄業而懋應大寶。

汴梁九帝，爲遼之兄，爲夏之父；臨安九君，爲金之姪，爲元之俘。

徽欽二宗，蒙塵於北，益廣二主，行遯於南。

有元起自北方，上世號爲蒙古；自世祖之混一，迄順帝之淪亡，數幾百年，代凡十易。

太祖奮跡濠滁，實開南國；燕王興師靖難，定鼎北平。

逮夫明季之頹靡，爰有思宗之殉烈；儲君不能效靈武之蹟，諸藩不能繼江表之蹤。

滿族入關，旗兵制勝。

有聖祖高宗之盛治，有教匪髮捻之奇氛。

曾左雖號中興，華洋漸開兵燹。

以攝政始，以攝政終；總是宮闈之失德。由竊位興，由遜位廢，未聞忠烈之捐軀。

十二帝歸結清廷，三百年略如明祚。

辛亥革命，民國肇興。專制推翻，共和成立。

袁氏以稱帝而即蹶，張勳欲復闢而未成。軍閥跋扈飛揚，政客甚囂塵上。

全國統一，端賴北伐之成功；舉世和平，庶遂大同之願望。

-朝廷

【原文】

三皇爲皇，五帝爲帝；尙德者王，尙力者霸；天子萬邦之主，諸侯列國之君。

五帝官天下，以位讓賢；三王家天下，以位傳子。

陛下天子之尊稱，殿下藩王之懿號；新主登極曰龍飛，群臣覲君曰虎拜。

皇帝之言曰綸音，皇后之命曰懿旨。椒房是后妃所居，楓宸乃君王所蒞；天子尊崇，故稱元首，臣鄰輔弼，故喻股肱。

麟之趾，龍之種，俱譽宗藩；邦之貞，國之貳，皆稱太子；建儲位，立青宮，傳國寶，稱玉璽。宗室之派，演於天潢，帝胄之譜，名爲玉牒；前星耀彩，共祝千秋；嵩岳效靈，三呼萬歲。

聖主德配昊天，遂動華封之祝；帝子覃恩少海，爰興樂府之歌；尊帝父曰：太上逍遙，頌國母曰：女中堯舜。

神器大寶，皆言帝位；淑妃貴嬪，總是宮娥；帝女乃公侯主婚，故有公主之稱；帝婿非正駕之車，故有駙馬之職。

縣主、鄉君，侈言宗女之貴，儀賓、郡馬，?稱戚裡之榮；試觀人世繁華，誰似皇家富貴。

-相猷

【原文】

有道之世，元首明而股肱良；盛德之君，輔弼周而疑丞備。

燧人四佐，結繩之政聿興；黃帝六相，垂裳之化乃著；五臣佐舜，而懷襄之害消，十亂興周，而弔伐之功遂。

聘伊尹於莘野，除暴救民；求傳說於巖阿，中興致治。周公、召公、夾輔王朝；吉甫、方叔，並為元老。

管、晏建霸顯之勛，僑、肸推邦家之選。蕭、曹以連籌匡贊，開炎漢之先，房、杜以碩畫訂謨，啓盛唐之業。

武侯輔漢於蜀，梁公反周為唐，是旋乾轉坤之手；汾陽恢復二京，西平重安九廟，洵補天浴日之功。

姚宋同心輔政，故開元之治，比於貞觀；趙張戮力匡君，故紹興之治，幾於元佑。

尚文尚儉，唐有張燕公、杜魏侯；大忠大雅，宋有寇忠愍、王文正。

申屠嘉之與王喬，想西京之威重；謝安石之與王導，具江左之風流。

石廣數馬，寅畏小心，丙吉問牛，調燮大體；公孫弘以儒術佐漢，李衛公以謀略興唐。

一清一寧，王戎簡要而能言；十漸十思，魏征嫵媚而善諫。

安用三寸毛錐，桑維翰指麾定亂；只須半部論語，趙韓王經濟守城。

李沆持衡，貴戚不夤緣而拜台席；司馬秉軸，遼人戒生事以擾邊疆。

至於父子登庸，則伊尹之子伊陟，巫咸之子巫賢，韋賢之子韋玄成，李吉甫之子李德裕；兄弟濟美，則王祥之弟王覽，卞粹之弟卞純，崔陵之弟崔仲文，曾布之弟曾肇。

三世為相，則張嘉貞之若子若孫也，呂公著之乃祖乃父也；四世為相，則弘農之有楊震也，汝南之有袁安也。

一十二、二十四，秦甘羅、漢鄧禹，何其少也；八十二、九十一張柬之、文彥博，不亦晚乎。四朝元宰，裴晉公莫與京焉；長樂老敘，馮可道何足觀也。